



MINISTRY
OF FINANCE
OF THE SLOVAK REPUBLIC



"Future Today. Empowering women, youth, and children
for deepening democracy in Armenia"

Slovak Transformation Fund
City Experiment Fund



ԲԻԶՆԵՍ ԽՆԴԻՐՆԵՐԻ ԼՈՒԾՄԱՆ ՄՐՅՈՒՅԹ

Յունիսի 12 / 18, 2022



ՏՏԵՓԱՆԱՎԱՆ

ՍՏԵՓԱՆԱԿԱՆԻ ՌԱԶՄԱԿԱՐԱԿԱՆ ԶԱՐԳԱՑՄԱՆ ԽՆԴԻՐ





Ստեփանավան խոշորացված համայնքի կարճ նկարագիր

Ստեփանավան խոշորացված համայնքը, որն իր մեջ ընդգրկում է Ստեփանավան քաղաքը, Ուրասար, Կաթնաղբյուր և Արմանիս գյուղերը գտնվում է ՀՀ Լոռու մարզի վարչատարածքային կազմի մեջ՝ գտնվելով մարզի գրեթե երկրաչափական կենտրոնում, Ձորագետի միջին հոսանքի աջ և ձախ ափերին: Ընդհանուր տարածքը 5333.6 հեկտար է, որից 1020 հա-ը կառուցապատված: Մայրաքաղաք Երևանից գտնվում է 157 կմ, իսկ մարզկենտրոն Վանաձորից՝ 36 կմ հեռավորության վրա:

Ստեփանավան համայնքի ամբողջ երկարությամբ՝ արևելքից-արևմուտք անցնում է Հայաստանը ԱՊՀ երկրների հետ կապող Երևան-Թբիլիսի միջպետական նշանակության Մ3 ավտոմայրուղին, որը համայնքի համար ունի ռազմավարական և սոցիալ-տնտեսական նշանակություն: Ստեփանավանից սկսում են 3 հանրապետական նշանակության ճանապարհներ՝ Ստեփանավան-Ալավերդի, Ստեփանավան-Պրիվոլնոյե-Ախթորիկի և Ստեփանավան-Կաթնաղբյուր: Համայնքը գտնվում է հանրապետության հյուսիսային մասի սեյսմակտիվ գոտում: Ստեփանավանից հյուսիս-արևելք մոտ 15կմ հեռավորության վրա է գտնվում Ստեփանավանի օդանավակայանը, որտեղ պահպանվել է միայն թռիչքուղին և ներկա պահին չի գործում: Օդանավակայանը պատկանում է ՀՀ տարածքային կառավարման և ենթակառուցվածքների նախարարությանը:

Ստեփանավան համայնքը դեռ խորհրդային ժամանակներից հայտնի է եղել՝ որպես հիմնականում պասիվ հանգստի գոտի՝ իր սոճիների անտառներով պայմանավորված: Ունեցել է բազմաթիվ հանգստյան ենթակառուցվածքներ: Այժմ զբոսաշրջություն շարունակում է մնալ համայնքի զարգացման գերակա ուղղություններից մեկը: Սակայն խորհրդային ժամանակների ենթակառուցվածքներից շատ քիչ բան է պահպանվել: Համայնքը ունեցել է նաև արդյունաբերական մեծ պոտենցիալ, սակայն, կրկին, բոլոր գործարանները փակվել են 90-ականներին:



Ստեփանավանն այսօր

Ստեփանավան համայնքը հանրապետության գողտրիկ քաղաքներից մեկն է, որը հայտնի է իր գեղեցիկ բնությամբ, մաքուր օդով, բնական, պատմական և մշակութային հուշարձաններով: Համայնքի բնակչությունը 2021թ.-ի դրությամբ կազմում է 18,719 մարդ: Համայնքի ընդհանուր տարեկան բյուջեն 2022թ.-ի համար կազմում է 751220,319 հազար դրամ: Ընդհանուր եկամուտների մեջ համայնքի սեփական եկամուտների բաժինը 40 % է (առավել մանրամասն տեղեկատվության համար այցելեք www.stepanavan.am):

Այժմ, համայնքում գործում են հիմնականում փոքր և միջին ձեռնարկություններ առևտրի, սպասարկման (հիմնականում սեզոնային աշխատող փոքր հյուրանոցներ, հյուրատներ), արտադրության (Լիմոնադի, քարի, փայտի մշակման, կահույքի, հացամթերքների արտադրության,

շինարարության) և գյուղատնտեսության ոլորտում: Համայնքի գլխավոր արտադրական ձեռնարկությունը հանքաքարի վերամշակմամբ զբաղվող «Սագամար» հանքարդյունաբերական կոմբինատն է, որը պղնձի և ցինկի խտանյութ է վերամշակում: **Այս պահին կոմբինատը դադարեցրել է գործունեությունը, սակայն 2022 թ.-ին հավանաբար նախատեսվում է շարունակել աշխատանքները:**

Ստեփանավան համայնքում առկա են բոլոր ենթակառուցվածքները անհրաժեշտ բնակության համար՝ **կրթական** (8 հանրակրթական դպրոց, այդ թվում 1 ավագ դպրոց և 1 վարժարան, նախակրթարաններ, մանկապարտեզներ, այդ թվում պետական և մասնավոր, Գյուղատնտեսական քոլեջ, Արտակարգ իրավիճակների ակադեմիայի քոլեջ և բակալավրիատ, արվեստի և սպորտի դպրոց), **բժշկական** (հիվանդանոց և պոլիկլինիկա), **մշակութային ու ժամանցային**՝ (մշակույթի տուն, թանգարաններ, կենտրոնական գրադարան, ակտիվ հանգստի ծառայություններ՝ պարանային այգի, ռաֆթինգ, արշավների, ձիավարության կազմակերպում, զբոսայգի և այլն): Առավել մանրամասն տեղեկատվության համար այցելեք <http://visitstepanavan.am/>.

Համայնքի գրեթե բոլոր ոլորտներում անհրաժեշտ է ենթակառուցվածքների բարեկարգում՝ սկսած փողոցներից, ջրային և այլ կոմունալ ենթակառուցվածքներից մինչև Աշոտաբերդի բնակելի թաղամաս, քաղաքային զբոսայգի, արվեստի դպրոց, գյուղական համայնքների ենթակառուցվածքներ, օդանավակայան և այլն:

Համայնքի առաջնային խնդիրը գործազրկությունն է և երիտասարդների արտահոսքը դեպի մարզկենտրոն, Երևան և այլ երկրներ, ինչի արդյունքում քաղաքում կա տնտեսական ակտիվության պակաս և որակյալ կադրերի խնդիր:

Համայնքի տեսլականը 2030թ-ի համար ու գերակա ուղղությունները 2022-2026թթ. զարգացման ծրագրում՝

- ❖ Աշխարհին կապված զբոսաշրջային և համագործակցող համայնք
- ❖ Աշխատող, ազրոտնտեսապես զարգացած համայնք
- ❖ Կրթված, մշակութափառ, նորարարական և ժամանցով հագեցած համայնք
- ❖ Մրցունակ, հագեցած, ժամանակի մարտահրավերներին առաջ գանացող տեղական ինքակառավարում ունեցող համայնք
- ❖ Դիմակայուն, ինքնատիպ, կանաչ համայնք
- ❖ Առողջ և սպորտային համայնք

»»» **Ներկա պահին համայնքապետարանի կողմից տեղի ունեցող ու նախատեսված աշխատանքներ**

Գալիք հինգ տարիների համար նախատեսվում են հանրապետական և մարզային ծրագրեր և միջոցառումներ կապված փողոցների բարեկարգման, «Աշոտաբերդ» թաղամասի հիմնախնդրի,

համայնքի բազմաբնակարան շենքերի տանիքների և շքամուտքերի հիմնանորոգման, ինչպես նաև *Էներգետրոյունավետության բարձրացման*, համայնքի մանական այգու հիմնանորոգման, քաղաքային հրապարակի հիմնանորոգման, բազմաբնակարան շենքերի բակերում պարզ տիպի խաղահրապարակների կառուցման հետ:

Խնդիրը

Ինչպե՞ս կարող ենք դեպի Ստեփանավան ներգրավել բիզնեսին, գործարարներին և մրցունակ աշխատուժին:

Համաձայն մեր տեսլականի, համայնքի զարգացման ամենա ԷՖՖեկտիվ տարբերակն է ստեղծել միջավայր տնտեսապես ակտիվ հասարակության ու բիզնեսների ներգրավման ու մշտական բնակության համար: Ուստի խնդրում ենք մշակել ռազմավարություն դեպի Ստեփանավան խոշորացված համայնք տնտեսապես ակտիվ բնակչության ներգրավման և մշտական բնակության համար:

Ներկայացման ձևաչափ

- ❖ Դուք կունենաք **15 րոպե** Ձեր առաջարկությունը Ստեփանավանի քաղաքապետի և ժյուրիի այլ անդամների հետ կիսվելու համար՝ ներկայացնելով առավելագույնը **25 սլայդ**:
- ❖ Դուք կունենաք **10 րոպեանոց** հարցուպատասխանի ժամանակահատված, որի ընթացքում կարող եք օգտագործել ցանկացած լրացուցիչ սլայդ առանց քանակային սահմանափակումների:
- ❖ Ներկայացնողների թիվը **ԱՌՎԿԵԼԱԳՈՒՆԸ 5 (հինգ)**:
- ❖ Գրավոր պրեզենտացիաները կարող են լինել **թե՛ հայերեն, թե՛ անգլերեն**, սակայն բանավոր ներկայացումը **ՊԵՏՔ Է ԿԱՏԱՐԵԼ ՀԱՅԵՐԵՆՈՎ**:



Խնդիրը լուծելու համար տրամադրվող լրացուցիչ նյութեր

- ❖ ՍՏԵՓԱՆԱՎԱՆ ՀԱՄԱՅՆՔԻ ՀՆԳԱՄՅԱ ՉԱՐԳԱՑՄԱՆ ԾՐԱԳԻՐ 2022-2026 ԹԹ
- ❖ Ստեփանավանի համայնքապետարանի կողմից տրամադրված համառոտ տեղեկատվություն
- ❖ Շահառուների շրջանում իրականացված հետազոտության արդյունքներ
 - STEPANAVAN Deep Listening and Sense Making Document
 - STEPANAVAN Co-Creation Ground Document

- STEPANAVAN Collective Interpretation Sessions Results
- ❖ REPORT on Participatory Discussion over Modelling the Future of the City of Stepanavan in Lori Region, Armenia 2021
- ❖ ՀՀ Լոռու մարզի Ստեփանավան համայնքի ապագայի մոդելավորման փորձագիտական քննարկման զեկույց 2022